



ЮГЪАНДИН ШУБУБПИ КАГЪАЗ

Вакил Югъанди жикъи шубубпи кагъзиъ чан дуст Гайикан Ужувлан хабар рабгъури сиягъятназ удучІвнайидариз кюмек апІуб ккун апІурайи. Югъанди гъаму чан тІалабнаъ, кІваантІан Иса-йихъ хъугънайир, тмуну хъугърурихъ тевиған, жэув заанди дидис-ну дакнвивал улупура. Хъугърудар чпин вари ляхнариъ, илагъки Иса Месигъдикан Ужувлан хабар рабгъбаъ, чиб-чпис кюмек дапІ-ну ккунду, кІуру фикир му Гирами Рюгънан кагъзиъ кІулинуб ву.

1 ¹Яшлу ахъюрихъан – узуз гъякъвалибди ккун гъахъи, йиз ба-гъа вуйи дуст Гайдиз.

²Йиз масан дуст, увуз варибдиъ хъуркъувалар ва мюгъкам сагъвал хъпан бадали ккарагураза, хъа уву Рюгъниинди сагъ вуйивал узуз агъязуз. ³Гъамина гъафи гъардшари увкан, гъякъвализ яв агътлу вуйиваликан ва яв дугъри уъмрикан ктибтиған, узу гизаф шад гъахъунза. ⁴Узуз йиз веледар гъякъ рякъюбди гъярайиваликан ебхъубтІан артухъ жара шад хабар адарзуз.

Пешкеш ва тягъна

⁵Йиз масан дуст, уву гъардшарихъ зигурайи зегъметну, гъеле дурарин арайиъ мушв'ан дарудар ашра, яв дугъриваликан кІура.

⁶Гъардшари яв масанваликан хъугънайидарин жямьябтдин улихъ ктибтнийи. Уву ужуб ляхин апІидийва, эгер дурарихъди чпин рякъ давам апІуз Аллагъдиз лайикъ вуйи рякъ'ин алагънийиш.



⁷Дурар Месигъдин ччвур бадали рякъюъ учІвна, ва хътругърударихъан фукІара къабул гъаІундар. ⁸Гъаци вуйиган, гъацдар касариз, гъякъвалин гъуллугънаъ хъпан бадали, ухъу хил гъачІабккнуну ккунду.

⁹Узу хъугърударин жямаябтдиз кагъаз гъибикІунза, хъа дурарин ахъюр хъуз ккуну Диотрефди, учу кІурайиб къабул апІурадар. ¹⁰Гъаддиз, эгер узу гъафиш, дугъу гъаІраш, ктибтидиза. Дугъу къутІкъли гафариинди учук тахсрар кирчра, аммаки мидканра дугъаз гъубкІрадар. Дугъу ихъ гъардшар хъларди къабул апІурадар ва апІуз ккунидарихъди гъитрадар, дурар хъугърударин жямаябтлугъдианра кмиди утІурккура!

¹¹Багъа вуйи дуст, писвалихъна магъачІаккан, хъа – ужувлахъна. Ужувлан ляхнар апІурар Аллагъдинур ву. Шли чІурувал апІураш, думу зат Аллагъ аьгъю гъахъир дар.

¹²Деметрикан варидари, гъякъ рякъ'ин аливаликанра, ужуйи кІура. Гъацдар гафар дугъкан учура кІурача, хъа ич шагъидвал, увуз аьгъюганси, гъякъ вуйич.

¹³Хъана гизафубдикан узхъан увуз ктибтуз шуйзухъан, хъа къалмииндина чернилиинди дици апІуз ккундарзуз. ¹⁴Багарихъди уву машна-машди рякъюр кІури умуд кайиз, ва гъадмуган гафар апІидихъа. ¹⁵Саламат ишриву. Вари дустари увуз саламар хътаура. Увура, ччвурар дидисну, вари дустариз саламар йип.